

# Канон общий преподобной жене

*Начало канонов (см. Чин чтения канонов)*

*После «Бог Господь»:*

*Если есть, тропарь преподобной, и Богородичен по гласу тропаря; если же тропаря нет, то читаем:*

## Тропарь общий преподобной, глас 8

В тебе матери, известно спасёся еже по образу, приимши бо крест, последовала еси Христу, и деючи учила еси презирати убо плоть, преходит бо, прилежати же о души вещи бессмертной. Темже и со Ангелы срадуется, преподобная, *имярек*, дух твой. (Дважды.)

Слава, и ныне, *Богородичен*: Иже нас ради рождёйся от Девы, и распятие претерпев Благий, испровергий смертию смерть, и воскресение явлей яко Бог, не презри яже создал еси рукою Твоею, яви человеколюбие Твое, Милостиве, приими рождшую Тя Богородицу молящуюся за ны, и спаси, Спасе наш, люди отчаянные.

*Затем: Псалом 50*

## Канон, глас 8

### Песнь 1

*Ирмос*: Колесницегонителя фараона погрузи, чудотвори иногда Моисейский жезл, крестообразно поразив и разделив море, Израиля же беглеца, пешеходца спасе, песнь Богу воспевающая.

*Припев*: Преподобная матери, *имярек*, моли Бога о нас<sup>1</sup>. (Поклон.)

Страстными мя бурями всюду погружаема, и помышлений молвою душу мою колеблему, ко пристанищу тихому Христовы воли, молитвами твоими, преподобная, *имярек*, направи, яко да достойно тя воспую.

Девственными добротами просвещена, богоблаженная, *имярек*, чистому Слову уневестилася еси, поживши пощением божественно, и Того живоносным стопам последовала еси, умерщвление страстей претерпевши.

Слава: Божественных отец наказанию последовала еси славная, *имярек*, и сих нраву чисте поревновала еси, воздержанием яко безплотна, и чистотою и девством поживши, преподобная, и истинным смирением.

И ныне: Божественную ручку и трапезу, хлеб животный понесшую, неделанную ниву, гору святую, Богородицу Деву песнями славим.

Моли Бога о нас, преподобная матери, *имярек*, яко мы усердно к тебе прибегаем,

---

<sup>1</sup> Этот припев повторяется перед первыми двумя тропарями в каждой песне канона. Перед первым тропарем первой и девятой песен припев читается с поклоном, в остальных случаях – без поклона

скóрой помóщнице и моли́твеннице о душа́х на́ших. (Поклон.)

### Песнь 3

*Ирмос:* Небéснаго кру́га Верхотворче, Гóсподи, и Цéркве Зиждителю, Ты менé утверди́ в любви́ Твоéй, желáний краю, вёрных утверждéние, еди́не Человеколóбче.

В небéсныя черто́ги светозáрныя всели́лася еси́, неvéста избрáнна бýвши Вседержителю, исцелéния рéки источáеши, *имярек*, стрáстная нам течéния изсуша́ющи.

Украси́лася еси́ желáнием крайним желáющи Христа́, премно́жеством благосéрдия, плóтию обнищáвшаго, и последовала еси́ живóтным Егó словесэм, житéйская вся красная возненавiдевши.

*Слава:* Позлащéнне крилé добродéтели стяжавши, на высотú небéсную возлетéла еси́ блажéнная, *имярек*, я́ко голуби́ца нетлéнная.

*И ныне:* Род спасéся, Дéво, человéческий благодáтию обнищáвшаго плóтию, из чрэва Твоéго неизречéнно; тэмже чтим Тя, и благочéстно ублажа́ем, Пречiстая Дéво Богорáдованная.

Моли́ Бóга о нас, преподóбная мáти, *имярек*, я́ко мы усéрдно к тебе́ прибега́ем, скóрой помóщнице и моли́твеннице о душа́х на́ших. (Поклон.)

Гóсподи помилуй. (Трижды.)

*Если есть особый кондак преподобной, читаем его перед седальном.*

### Седален, глас 4

Красóтами явилáся еси́ дéвственно преукраша́ема, пóстнических священных пóдвиг, я́ко неvéста непорóчная Дéва Христо́ва, и с Ним в нетлéнный вошла́ еси́ черто́г, и красóт Егó наслажда́еши. Но моли́ спасти́ся нам от всякия беды́, любóвию пою́щим тя.

*Слава, и ныне, Богородичен:* Чiстая всенепорóчная, и неискусобра́чная, еди́на безлётнаго Сы́на и Слово́ Бóжие в лéте рóждшая, Тогó со святы́ми и честны́ми апóстолы, мýченики и проро́ки, и преподóбными моли́, даровáти нам очищéние, и вéлию мiлость.

### Песнь 4

*Ирмос:* Услы́шах, Гóсподи, смотре́ния Твоéго та́инство, разумéх дела́ Твоя́ и прослáвих Твоé Божество́.

Свётлое твоé торжество́, свéтом сия́ющее Бóжия Дúха, озаря́ет дýши на́ша véрою пою́щих тя, *имярек*, преподóбная.

Чудесы́ божéственными увéрила еси́ неведущих Влады́ку, и к познáнию Егó возврати́ла еси́, прéлести тьму оста́вльших.

*Слава:* Дáры Христу́ принесла́ еси́, чiстое умерщвлéние удов, и труды́ воздержáния, и протiву прияла́ еси́ Небéсное Цáрство, *имярек*, и вéчнующее наслаждéние.

*И ныне:* Смирiвши спаси́ мя, высокому́дрием живу́щаго, рóждшая вознéсшаго смири́вшееся естество́ на́ше, Пречiстая.

Моли́ Бóга о нас, преподóбная мáти, *имярек*, я́ко мы усéрдно к тебе́ прибега́ем, скóрой помóщнице и моли́твеннице о душа́х на́ших. (*Поклон.*)

## Песнь 5

*Ирмос:* Утренююще вопи́ем Ти: Го́споди, спаси́ ны; Ты бо еси́ Бог наш, развѣ Тебѣ ино́го не ве́мы.

Ру́це твои́ преподóбно воздвизáеми к Жиждíteлю, мáти, *имярек*, низложи́ша вра́жия шата́ния.

Удержáв ру́ку твою́ десну́ю Вы́шний, наста́вил тя естѣ, мáти, к небéсному Своему́ наслаждéнию.

Слава: Стезю́ тéсную проше́дши в пощéнии, к широтѣ приспéла еси́ райстей, *имярек*, всечестна́я.

И ныне: Иже Богороди́цу Тя неведущии, Богомáти, Свѣта не íмут видети, рóждшагося из Тебѣ, Пречíстая.

Моли́ Бóга о нас, преподóбная мáти, *имярек*, я́ко мы усéрдно к тебе́ прибега́ем, скóрой помóщнице и моли́твеннице о душа́х на́ших. (*Поклон.*)

## Песнь 6

*Ирмос:* Рíзу мне пода́ждь свѣтлу, одея́йся свѣтом я́ко рíзою, многомíлостиве Христѣ́ Бо́же наш.

Умертвívши двизáния плотская́, над страстьми́ вельми́ воцари́лася еси́, и ны́не, всечестна́я, *имярек*, в безстра́стных живѣши свѣтлостех.

Образу́ Спа́сову навýкла еси́ покланя́тися, сла́вная, дѣлы и словесы́ твоими́ спаси́тельная Его́ соблюда́ющи учения́.

Слава: Облак ты Христóс показá, мáти, *имярек*, дождь́ источáющий живóтный, véрою прося́щим у тебе́, пресла́вная.

И ныне: Красѣн пáче всех человек, Сын Твой, Пречíстая, добро́тою Божества́, áще и плоть бысть нас ра́ди.

Моли́ Бóга о нас, преподóбная мáти, *имярек*, я́ко мы усéрдно к тебе́ прибега́ем, скóрой помóщнице и моли́твеннице о душа́х на́ших. (*Поклон.*)

Го́споди, помíлуй. (*Трижды.*) Слава, и ныне.

## Кондак, глас 2

За любóвь Господню́, преподóбная, покóя желáние возненавídaела еси́, пощéнием дух твой просветívши, крѣпко́ бо звѣри победи́ла еси́, но моли́твами твоими́ протíвных шата́ние разори́.

## Икос

Струи́ мне слóва даждь, Бо́же мой, и истóчник благочíния сотвори́ мой ум, и благослови́ язык мой, да воспóю Твою́ áгницу, ю́же венча́л еси́ Ты блага́стию Твоею́; áще бо Сам не да́си ми слóва досто́йнаго, ка́ко принесу́ дар ни́щий, богáтней в

словесѣх и деяниих? Тем подаждь ми силу, исповѣдати ея натрижнѣния<sup>2</sup>, крѣпко бо звѣри победила естъ. Но молитвами ея противных шатаніе разорѣи.

## Песнь 7

*Ирмос:* Отроцы еврейстии в пещи попраша пламень дерзновенно, и на росу огонь преложѣша, вопиюще: благословен еси, Господи Боже, во веки.

О доброте тлеющей, *имярек*, преподобная небрегла еси, смотряючи тамо сущая воздаяния и свет, и славу Божию нестарѣющуюся и красоту, и божественное селение.

Мир пренемила еси тлеющий премирным животом нестарѣющим, и временную пищу пребывающим существом, и плотскаго обручника Небесным Женихом.

Слава: Разум боголюбив стяжала еси, *имярек*, с плотью ангелом уподобилася еси, бдящи тепле любовь, и поющи: благословен еси, Господи Боже, во веки.

И ныне: Видь скорбь мою, Дево, юже ми наведе множество зол моих, и родства огненнаго<sup>3</sup> исхити мя, вопиющаго: благословен еси, Господи Боже, во веки.

Моли Бога о нас, преподобная мати, *имярек*, яко мы усердно к тебе прибегаем, скорой помощнице и молитвеннице о душах наших. (Поклон.)

## Песнь 8

*Ирмос:* Богоглаголивии отроцы, в пещи со огнем пламень попирающе, пояху: благословите, дела Господня, Господа.

Украшена сиянием чистоты, и чистым житием просвещена мати, предстоиши Жениху твоему, Христу Богу нашему.

Болезни различныя уврачует человек, и прогонит бесовския пакости, тело твое святое, преподобная, во гробе преславно сокрываемое.

Слава: Священна жертва принеслася еси, и приношение светлое, преподобная мати, *имярек*, яко кадило благоуханное, всех Владыце Христу Богу нашему.

И ныне: Без истления Слова паче словесе родила еси, тления всякаго нас избавляющаго: сего ради Тя, Дево, верою величаем.

Моли Бога о нас, преподобная мати, *имярек*, яко мы усердно к тебе прибегаем, скорой помощнице и молитвеннице о душах наших. (Поклон.)

## Песнь 9

*Ирмос:* Устрашился всех слух неизреченна Божия снизхождения, яко Вышний волею сниде даже и до плоти, от девическаго чрева быв Человек. Темже Пречистую Богородицу, вернии, величаем.

*Припев:* Преподобная мати, *имярек*, моли Бога о нас. (Поклон.)

Возжелела еси доброту мысленную Жениха, и чисто возлюбила еси Его. Где почиваеши? где ли пасеши? – тепле вопияла еси, да почию у Тебе, и в Твоих светлостех наслаждуся, величаючи Твою благодать.

Разум имела еси в твоей души, и смирение, и божественную кротость, веру несумненну, и надежду, и любовь, юже к Богу, всеночными молитвами

<sup>2</sup> Натрижнение – труд, подвиг.

<sup>3</sup> Огненнаго – здесь – адского, геенского.

приближа́ющиеся Ему́, и та́мо су́щими свѣтлостьми блаже́нная, *имярек*, озаря́ема и просвѣща́ема.

Слава: Собраш́ася днесь лю́дие, хвала́ми возвели́чити Го́спода, возвели́чившаго твоѐ свято́е торже́ство сие́, в нёмже помина́й нас помина́ющих тя, предстоя́щи Христу́ Жени́ху твоemú, преподо́бная, *имярек*, и всечестна́я.

И ныне: Пощади́ мя, Бо́же, рождѣйся от Дѣвы, и сохрани́в ро́ждшую Тя нетле́нну по рождестве́, егда́ сядеши суди́ти дела́ моя́, беззаконія и грехи́ моя́ прѣзри, я́ко безгрѣшен и ми́лостив Бог, и человеколю́бец.

Моли́ Бо́га о нас, преподо́бная ма́ти, *имярек*, я́ко мы усѣрдно к тебѣ прибега́ем, ско́рой помо́щнице и моли́твеннице о душа́х на́ших. (*Поклон.*)

*Затем окончание канона (см. Чин чтения канонов)*

### Тропарь общий преподобной<sup>4</sup>, глас 8

В тебѣ ма́ти, извѣстно спасе́ся е́же по образу, прии́мши бо крест, послѣдовала еси́ Христу́, и де́ющи учи́ла еси́ презира́ти у́бо плоть, прехо́дит бо, прилежа́ти же о души́ ве́щи безсме́ртней. Те́мже и со Ангелы сра́дуется преподо́бная, *имярек*, дух твой.

*Если есть, особый кондак преподобной, и затем:*

### Кондак, глас 2

Слава: За любо́вь Господню преподо́бная, поко́я желáние возненави́дела еси́, пощѣнием дух твой просвети́вши, крѣпко бо зве́ри победи́ла еси́, но моли́твами твои́ми проти́вных шата́ние разори́.

И ныне, *Богородичен*: Вся па́че смы́сла, вся пресла́вная Твоя́, Богороди́це, таи́нства, чистоте́ запечатанной, и дѣвству храни́му, Ма́ти позна́лася еси́ неложна, Бо́га ро́ждши и́стиннаго, Того моли́ спасти́ся душа́м на́шим.

*Затем:*

«Честне́йшую Херуви́м:», и прочее (см. Чин чтения канонов)

---

<sup>4</sup> Общий тропарь читается, если нет отдельного тропаря. Если же есть, то читается отдельный тропарь.